

第三百五十九種

和靖先生詩集□卷

存一卷上

宋林逋撰

宋刻本  
一冊

黃翼 黃丕烈跋

集別集宋

2019

和靖先生詩集序

太常博士宛陵梅堯臣撰

天聖中聞寧海西湖之上有林君蘄蘄有聲若高  
峯瀑泉望之可愛即之愈清挹之甘潔而不馱也是  
時予因適會稽還訪於雪中其譚道孔孟也其語近  
世之文韓李也其順物玩情爲之詩則平澹遠美讀  
之令人忘百事也其辭主乎靜正不主乎刺譏然後  
知趣尚博遠寄適於詩爾君在咸平景德間已大有  
聞會

天子修封禪未及詔聘故終老而不得施用於時凡  
貴人鉅公一來相遇無不語合慕仰低回不忍去君  
既老

朝廷不欲彊起之而令長吏歲時勞問及其歿也謚  
曰和靖先生先生少時多病不娶無子諸孫大年能  
掇拾所爲詩請予爲序先生諱逋字君復年六十一  
其詩時人貴重甚於寶玉先生未嘗自貴也就輒棄  
之故所存百無一二焉嗚呼惜哉皇祐五年六月十

### 三日序

和靖先生詩集上

### 古詩

和運使陳學士遊靈隱寺寓懷

山壑氣相合旦暮生秋陰松門韻虛籟錚若鳴瑤琴  
舉目羣狀動傾耳百慮沈按部旣優游時此振衣襟  
泓澄冷泉色寫我清曠心飄飄白猿聲答我雅正吟  
經臺復丹井捫蘿常徧臨鶴蓋青霞映玉趾蒼苔侵  
溫顏煦槁木真性馴幽禽所以仁惠政及物一一深  
灑翰嶙峋壁返駕旃檀林回睨窳堵峯天半千萬尋

西湖與性上人話別

秋山與湖水遠近如相送後夜宿扁舟知師有歸夢  
閔師見寫陋容以詩奉答

顧我丘壑人煩師與之寫北山終日懸風調一何野  
林僧忽焉至欲揖頃方罷復有條上猿驚闖未遑下  
監郡太博惠酒及詩

塵事久謝絕園廬方晏陰鏗然郢中唱伸玩清人心  
況復對罇酒百慮安能侵何以比交情松桂寒蕭森  
律詩

湖樓寫望

湖水混空碧憑欄凝睇勞夕寒山翠重秋靜鳥行高  
遠意極千里浮生輕一毫叢林數未徧杳靄隔漁舸  
秋日湖西閑泛

水氣井山影蒼茫已作秋林深喜見寺岸靜惜移舟  
踈葦先寒折殘虹帶夕收吾廬在何處歸興起漁謳  
送聞義師謁池陽郡守

渺渺大江流汭洄過幾州登艫忽此別振錫未嘗遊  
九子尋真界千兵見假侯松枝談妙字鈴閣想遲留

春日感懷

衡宇日蕭寂高春猶掩扉春風似有舊社鷺亦重歸  
覽照老已具開樽人向稀頽然此心曲持底屬芳菲  
上湖閑泛艤舟石函因過下湖小墅

平望望不極雲樹遠依依及向扁舟泊還尋下瀨歸  
青山連石埭春水入柴扉多謝提壺鳥留人到落暉  
知縣李太博替

惠愛復公清三年報政成弦歌

御名

雅俗桃李靄春榮

縣治嘗游刃朝趨夕影纓相門如有相他日願持衡  
和梅聖俞雪中同虛白上人見訪

湖上玩佳雪相將唯道林早煙村意遠春漲岸痕深  
地僻過三徑人閑試五禽歸橈有餘興寧復比山陰  
郊園避暑

柴門鮮人事氛垢頗能忘愛彼林間靜復茲池上涼  
託心時散帙遲客或攜觴況有陶廬趣歸禽語夕陽  
中峯行樂却望北山因而成詠

拂石翫林壑曠然空色秋歸雲帶層巘踈葦際滄洲  
固自堪長往何爲難久留庶將濠上想聊作剡中游



西湖舟中值雪

浩蕩彌空闊霏霏接水濱舟移忽自却山近未全分  
凍軫閑清泛溫鑪接薄薰悠然詠招隱何許款華群  
和黃亢與季父見訪

積水凝懸館船寬或結樓一牕方寄傲二巷忽同遊  
怨慕採菱曲蒼茫拾翠洲微風起蘋末歸路滿清愁  
送長吉上人

囊集暮雲篇行行肯發禪青山買未暇朱闕去隨緣  
茗試幽人井香焚賈客船淮流遲新月吟翫想忘眠  
射弓次寄彭城四君

襟掩阜貂斜晴輦響水涯箭翎沈白雪貼暈破微霞  
氣爲旁觀壯言因決勝誇細釵金捍殼更憶五侯家  
春夕閑詠

屐齒徧庭深時爲擁鼻吟微風引竹籟斜月轉花陰  
靜賞應難極孤懷自不禁蒼然小池上煙露達青岑  
懷長吉上人北游

青山日已遠香裊漸多塵應愛淮流上聊逢月色新  
孤禪安逆旅警句語誰人復有傷離客中林病過春

寄祝長官

懷想與君勞區區未劇曹深心賴黃卷垂老愧青袍  
臨事終存道爲詩轉近騷廬江五畝宅歸去亦蓬蒿

送史殿省典封州

馬援疏蠻邑銅標何可窮人煙時亦有海色自如空  
鬣髮梅分白旌旗瘴減紅唯應侍藥罷 酒醪中

送茂才馮彭年赴舉

相送不覺遠離亭寒日斜川途分野色僮御想京華  
背水當公戰凌雲屬賦家前春得意處酣醺上林花

寄茂才馮彭年

異代甘泉賦誰當頌太微無如搗藻妙所惜賞音稀  
漸遠江關樹方單客子衣扁舟艤何許霰雪暮霏霏

送王舍人罷兩浙憲赴闕

上閣還旄節明庭覲冕旒清談傾祖席蠹簡壓歸舟  
遠俗今無訟閑田亦有秋公朝論爵賞當拜富民侯  
喜馮先輩及第後見訪

肄業十年初蕭然此飯蔬何期桂枝客來訪竹林居  
香炷開新誥塵痕拂舊書回軒應睽睽將與嶺雲踈

病中謝馮彭年見訪

老去已多病況當梅雨時山空門自掩晝永枕頻移  
晚鷺巢猶濕新篁籜半披若非求仲至誰復問棲遲

山中冬日

殘雪照籬落空山無俗喧雞寒懶下樹人晏獨開門  
廢圃春榮動回塘霧氣昏誰家歲酒熟輟棹憶西村

送昱師赴請姑蘇

同載闔閭人衣囊覆氎巾新煙赤岸暝融雪太湖春  
鍾遠移齋候香遲上定身當知舉如意寶地雨花頻

西村晚泊

弭棹危橋外霜村乍夕陰田園向野水樵採語空林  
白鳥歸飛遠青山重複深那辭遲新月誰復賞微吟

園廬秋夕

蘭杜裊裊香開扉趣自長寒煙宿墟落清月上林塘  
意想殊為適形骸固可忘援琴有餘興聊復寄吟觴

寄臨川司理趙時校書

遠宦風波隔歸期歲月頻天形孤鳥晚煙色大江春  
驛路向山郭船檣留賈人高臺望不極空使鬢華新



送皎師歸越

林間久離索忽忽望西陵靜戶初聞扣歸舟又說登  
野煙含樹色春浪疊沙稜幸謝雲門路同尋苦未能  
送越倅揚屯田赴闕

越中分治罷山水別來初詩景多留石船痕半載書  
野程江樹遠公讌郡樓虛看塞嚴徐召清風滿直廬  
閔師自天台見寄石枕

斷石自何許枕之懷赤城空廬復蕙帳日暮白雲生  
閔師上人以鷺鷥二軸爲寄因成二韻

閑颺粉絲荷葦外數聲唯欠叫秋陰虛堂隱几時懸  
看增得滄洲趣更深

和酬杜從事題壁

弭蓋入衡宇相看情獨深蕭疎秋樹色老大故人心  
佳話頻移晷清飈幾拂襟寒然長卿壁題贈比兼金  
園池

一逕衡門數畝池平湖分漲草含滋微風幾入扁舟  
意新霽難忘獨繭期島上鶴毛遺野跡岸傍花影動  
春枝東嘉層高宗廟諱名今在獨愧憑欄負碧漪

槐木紙椎贈周太祝

入手輕乾是古槐幾聲清響徹池臺  
椎餘魚網如脂滑時寫新詩肯寄來

晚春寄示茂才馮彭年

頭上酒巾爲長物據梧微詠意無涯  
人生行樂知能幾但見春風滿地花

送范寺丞

仲淹

中林蕭寂款吾廬  
壘壘猶歡接緒餘  
去掉看當辨江樹  
離樽聊爲摘園蔬  
馬卿才大嘗能賦  
梅福官卑數上書  
黼座垂精正求治  
何時條對召公車

山閣偶書

遶舍青山看未足  
故穿林表架危軒  
但將松籟延佳客  
常帶嵐霏認遠村  
吳榜自能凌晚汰  
湘纍何苦屬芳蓀  
餘生多病期恬養  
聊此棲遲一避喧

孤山雪中寫望寄呈景山仙尉

瓊樹瑤岑掠眼新  
鮮颺時復颺珠塵  
此中自是蓬萊闕  
何處更尋姑射人

錢塘仙尉謝君詠物樓成寄題二韻

仙人多在麗譙居  
況對西山爽氣餘  
若向湖瀕屬佳句  
莫忘秋水落芙蓉

西巖夏日

蕙帳蕭閑掩弊廬  
子真巖石坐來初  
為驚野鳥巢間乳  
懶過鄰僧竹裏居  
新溜迸涼侵靜語  
晚雲浮潤上殘書  
何煩彊捉白團扇  
一柄青松自有餘

蝶

細眉雙聳敵秋毫  
萼萼芳園日幾遭  
清宿露花應自得  
暖爭風絮欲相高  
情人歿久魂猶在  
傲吏齊來夢亦勞  
閑掩遺編苦堪恨  
不并香草入離騷

和安秀才次晉昌居士留題壁石

岑寂衡門題鳳處  
嶺雲庭樹似無依  
湖瀕佇立應相望  
一信樵風晚未歸

和酬周寺丞

門橫野水席凝塵  
束緼誰能問乞鄰  
除是千廬貴游客  
中林時復訪幽人

送僧遊天台

石梁天絕赤城深  
影落滄溟幾萬尋  
金策若迴聊爲

說慰子終老愛山心

答謝尉得贊

牢愁謾翫空堦雨羈官閑傷落日春未似青青河畔  
草客亭長短送離人

答潘司理

庭柯雪壓已如春乘興山陰亦少人岑寂園廬何所  
對酒中賢聖藥君臣

載答

官曹久已稱廉吏田里時來顧散人文戰談圍碁敵  
外絳侯何事號功臣

復送慈公還虎丘山

孑孑歸櫂五兩翻香林禪石抱雲痕單囊憩罷應微  
笑却是青山不出門

虎丘林壑率在寺垣之內

送陳日章秀才

閑却清罇掩縹囊病來無故亦淒涼江南春草舊行  
路因送歸人更斷腸

山閣夏日寄黃大茂才

幾日無緣見叔度今人鄙吝不能忘新篁遶閣薰風



細還肯時來納晚涼

和謝祕校西湖馬上

表裏湖山極目春  
據鞍時此避埃塵  
蒼蒼煙樹悠悠  
水除却王維少畫人

又和病起

展轉匡牀乍起來  
縹缸紺帙亦慵開  
三年一尉湖東

住誰識神仙本姓梅

首唱云落盡  
中庭一樹梅

送僧還東嘉

中林昨夜待微月  
因想謝公池上樓  
何意師言石門  
路一餅還自上歸舟

送慈師北游

鬱鬱蒲茸染水田  
渡淮閑寄買人船  
知師一枕清秋  
夢多為林間放鶴天

春日齋中

空階重疊上垣衣  
白晝初長社鷺歸  
落盡海棠人卧  
病東風時復動柴扉

山中寒食二首

方塘波渌杜蘅青  
布穀提壺已足聽  
有客新嘗寒具



罷據梧慵復散幽經

氣象纔過一百五且持春酒養衰年中林不是不禁  
火其奈山櫻發欲然

寄上金陵馬右丞三首

專席頃嘗居憲府擁旄尋亦別明庭金陵土著多蒙  
賴分野三迴見福星

惠愛如春威似霜神明佳政藹餘杭集賢亭畔依依  
柳無限行人比訟棠

盡道次公當入相江吳那肯久遲徊西湖春物空凝  
意猶望方舟賞勝來

和蒙尉見寄

開罇且醉聖賢酒理棹時乘旦暮風懶爲躬耕詠梁  
甫敢將閑卧敵隆中

即席送江夏茂才

與君未別且酣飲別後令人空倚樓一點風帆若爲  
望海門平闊鷺濤秋

送易從師遊金華

吟卷田衣歲向殘孤舟夜泊大江寒前巖數本長松

色及早歸來帶雪看

送丁秀才歸四明

有似東浮滄海君乘槎泛泛逐歸雲蛟綃市得能為  
寄擬寫清真隱秘文

易從師山亭

林表秋山白鳥飛此中幽致亦還稀西村渡口人煙  
晚坐見漁舟兩兩歸

寄聞義閣梨

時在溪口

早昔常聞溪口路重山複水去無窮禪餘試問舟人  
看幾宿還能到剡中

和唐異見寄

騷人新遺畔牢辭隱几微吟愧所知幾欲罇前論款  
密可能林下訪棲遲

池上春日

一池春水淥於苔水上花枝竹間開芳草得時依舊  
長文禽無事等閑來年顏近老空多感風雅含情苦  
不才獨有浴沂遺想在使人終日此徘徊

李翰林寄松扇及詩乃答之

編松為篋寄山中兼得紫微詩一通入手涼生殊自  
慰可煩長聽隱居風

和才上人春日見寄

俗外多將雲作裝花前唯以醉為鄉瑤華伸玩情何  
極高絕猶如登百常

送謝氏昆仲歸閩中

清邵才高雲與機林間文會忽相違南中草木正黃  
落但羨冥鴻兩兩飛

水軒

日於詩雅轉沈迷尤愛憑欄此高宗廟諱題紛泊楊花春意  
晚黃鸝飛過水東西

夏日即事

石枕涼生菌閣虛已應梅潤入圖書不辭齒髮多衰  
疾所喜林泉有隱居粉竹亞梢垂宿露翠荷差影聚  
游魚北牕人在羲皇上時為淵明一起予

湖上隱居

湖水入籬山遶舍隱居應與世相違閉門自掩蒼苔  
色來客時驚白鳥飛賣藥比嘗嫌有價灌園終亦愛

無機如何天竺林間路猶到秋深夢翠微

送遂良師游嘉禾

貝葉松枝想暫閑半囊乘興幾時還船牕月上滄洲  
遠應有詩題憶舊山

山舍小軒有石竹二叢闕然秀發因成七

言二章

麝香眠後露檀勻繡在羅衣色未真斜倚細叢如有  
恨冷搖踈朶欲無春階前紅藥推辭客籬下黃花重  
古人今日含毫與題品可憐殊不愧清新

青帘有酒不妨賒素壁無詩未足誇所重晚芳聊在

目可開秋色易爲花深枝萋萋裝谿翠碎片英英剪  
海霞莫管金錢好行市寂寥相對是山家

陸魯望有詩云如今

莫共金錢鬪買斷秋風是此花

和王給事同諸官留題

千兵款戶透紅旆四壁留題拂紫苔他日北山傳故  
事願將猿鶴比雲來

送遵式師謁金陵王相國三首

杯渡當過白鷺灘石城春氣尚微寒公台謁罷如乘



與試訪南朝事迹看

高牙熊軾隱鈴齋棠樹陰濃長綠苔丞相望尊賓謁  
少清言應喜道人來

天竺孱顏暫掩扉講香浮穗上行衣白猿聲裏生公  
石莫遣移文怨晚歸

寄題僧院庭竹

岑寂寶坊清夜月幾移踈影上跣趺更憐齋罷閑看  
處一日還應不可無

送善中師歸四明

四明山水別多時老病心閑事事違夢想湖西古蘭  
若又和秋色送僧歸

湖上晚歸

卧枕船舷歸思清望中渾恐是蓬瀛橋橫水木已秋  
色寺倚雲峯更晚晴翠羽濕飛如見避紅蕖香嬾似  
相迎依稀漸近誅茅地雞犬林蘿隱隱聲

筆  
監郡吳殿丞惠以筆墨建茶各吟一絕謝之

犀利鋒鋌敵五兵夢中青鏤未爲靈空山日午南窓



暖擬寫黃庭內景經

墨

青暈時磨半硯雲更將書貼拂秋塵表羸自顧空多  
感不是臨池苦學人

茶

石碾輕飛瑟瑟塵乳花烹出建溪春人間絕品又難

識閑對茶經憶古人

陸羽撰茶經而不載建溪者意其頗有遺落耳

送人遊金山

水煙霜樹矗層巒點破江心一簇寒見說天多剩得

月爲予閑上上方看

野鳧

三三兩兩自相隨檀頸回看斃艷衣野水無波秋色  
淨不知何事忽驚飛

榮家鶴

種莎池館久淹留品格堪憐絕比儔春靜碁邊窺野  
客雨寒廊底夢滄洲清形已入仙經說冷格曾爲古  
畫偷數啄稻糧無事外報言雞雀懶回頭

喜姪宥及第

新榜傳聞事可驚  
馬單平於爾一何榮  
玉堦已忝登高第  
金口仍教改舊名  
聞喜宴遊秋色雅  
慈恩題記墨行清  
巖扉掩罷無他意  
但藝靈蕪感盛明

易從上人山亭

湖水汪灣隔數峯  
籬門和竹夾西東  
閑來此地行無厭  
又共吾廬看不同  
靈隱路歸秋色裏  
招賢庵在鳥行中  
屏風若欲相攬見  
合把巉巖與畫工

予頃得宛陵葛生所茹筆十餘筒  
其中復得精妙者二三焉  
每用之如麾百勝之師  
橫行於紙墨間所向無不如意  
惜其日久且弊作詩二篇以錄其功

江南秋兔老毫踈  
數字鍾王尚賈餘  
因讀退之毛穎傳  
可憐今日不中書

神鋒雖缺力終存  
架琢珊瑚欠策勳  
日暮閑窻何所似  
灞陵憔悴故將軍

孤山寺

雲峯水樹南朝寺  
紙隔叢篁作竝隣  
破殿靜披塵曰古  
齋房閑試酪奴春  
白公睡閣幽如畫  
張祐詩牌妙

入神乘興醉來拖木突翠苔蒼鮮石磷磷

寄蘭溪邑長史官贊

谿上紅蘭露泫華谿波浮動長人衙公餘即有扁舟  
興幾弄潺湲到日斜

和史官贊

門對遠峯青常時亦懶扃久貧慙嗜酒多病負窮經  
鶴跡秋偏靜松陰午欲亭蜀莊何足問惟解事沈冥  
送史官贊蘭谿解印歸闕

杜若萋萋天似水一檣風信快吟懷春坊冠蓋還朝  
籍寶婺谿山別縣齋訪舊約僧登北固破程乘月宿  
清淮東南出宰材居最疇爲言揚向玉階

送史殿丞之任封州

炎方將命選朝倫治行何嘗下古人擁旆肯辭臨遠  
郡登艫還喜奉慈親水連芳草江南地煙隔寒梅嶺  
上春若過中途值歸鴈慰懷能與致音塵

秋江寫望

蒼茫沙觜鷺鷥眠片水無痕浸碧天最愛蘆花經雨  
後一篷煙火飯漁船

采石山

危閣閑登日漸曛  
整屏晴雨枕江濱  
秋稜瘦出無多  
寺古翠濃連一半  
雲坐卧不拋輸  
釣叟往來長見屬  
鷗羣翻然却怪  
宣城守是甚移將  
李白墳

梅花

吟懷長恨負芳時  
爲見梅花輒入詩  
雪後園林纔半  
樹水邊籬落忽橫枝  
人憐紅豔多應俗  
天與清香似  
有私堪笑胡鷄亦  
風味解將聲調角  
中吹

杏花

舊蕾枝梢血點乾  
粉紅腮頰露春寒  
不禁煙雨輕欺  
著祇好亭臺愛惜  
看隈柳傍桃斜欲  
墜等鷓鴣期蝶狂  
成團京師巷陌新  
晴後賣得風流更  
一般

春陰

似雨非晴意思深  
宿醒牽牽卧春陰  
苦憐鷺子寒相  
竝生怕梨花晚不  
禁薄薄簾幃欺欲  
透遙遙歌管壓  
來沈北園南陌狂  
無數祇有芳菲會  
此心

百舌

柳條初重草初肥  
煙濕園林晚未晞  
百種堪憐巧舌



語一般唯欠好毛衣欺凌紅杏從頭宿諷刺黃鸝趁  
背飛誰道關關便多事更能緘默送芳菲

春日寄錢都使

桃花枝重肉紅垂萱草抽苗抹綠肥正語暖鴛風細  
細著雙寒鷺雨稀稀亭臺物景兼飄絮宅院時情漸  
夾衣指背挾肩行樂事不甘離索向芳菲

寄題歷陽馬仲文水軒

占得幽居近郭西水軒風景獨難齊煙含晚樹人  
遠雨濕春蒲燕子低紅燭酒醒多聚會粉牋詩敵幾  
招攜旅遊今日堪搔首搖落山程困馬蹄

送思齊上人之宣城

林嶺藹春暉程程入翠微泉聲落坐石花氣上行衣  
詩正情懷澹禪高論語稀蕭閑水西寺駐錫莫志歸

寄太白李山人

顏如童子髮如鷲卜築深當太白西身上紙衣麤  
直掇馬前長帶古偏提鯤鵬懶擊三千水龍虎閑封六  
一泥幾獨枕肱人跡外半牕松雪論天倪

湖山小隱二首



道著權名便絕交一峯春翠濕衡茅莊生已憤鴟爲  
嚇楊子休譏蝮涎嘲滴滴藥泉來石竇霏霏茶靄出  
松梢琴僧近借南薰譜且併閑功子細抄

閑搭綸巾擁縹囊此心隨分識興亡黑頭爲相雖無  
謂白眼看人亦未妨雲噴石花生劔壁雨敲松子落  
琴牀清猿幽鳥遙相叫數筆湖山又夕陽

春日懷歷陽後園遊兼寄宣城天使

昔年行樂伴王孫事盡清狂是後園一榻竹風橫懶  
架半軒花月到頑盆佳人暗引鸞言語芳草閑迷蝶  
夢魂今日淒涼舊春色可堪煙雨近黃昏

寄梅室長

堯臣

君家先祖隱吳門即日追遊往事存若向明時奏飛  
牘併將康濟息元元

送然上人南遊

囊攜琴譜與詩藁寄卧船牕一榻深莫向雲中認江  
樹等閑驚起故園心

清河茂材以良筆并詩爲惠次韻奉答

郊翰秋勁愈於錐筠管温温上玉輝聊爲夫君一棲

閣老來驚緩久知非

張君行耕精妙因致服膺之意

寄錢紫微

易

晞髮起初晨中丘謝病身空持白雲意遙贈紫微人  
畫轂坊門遠蒼苔掖署春元和舊文體當許繼清塵  
送僧機素還東嘉

康樂遺蹤地言歸已有期江流富春闊山水括蒼危  
錫潤飛晴靄羅寒瀘曉漸東巖有函石應許折松枝  
送僧休復之京師

金錫指歸鴻田衣獵曉風春江片席遠松月一房空  
新句別離後舊山魂夢中到京當袖刺館閣盡名公  
山村冬暮

衡茆林麓下春氣已微茫雪竹低寒翠風梅落晚香  
樵期多獨往茶事不全忙雙鷺有時起橫飛過野塘  
和酬天竺慈雲大師

林表飛來色猶慚久卜鄰泂洞一水路夢想五天人  
謝絕空園草沉冥滿几塵暮雲如有得寧謝寄聲頻  
宿姑蘇淨慧大師院

常愛人間此會稀話長中夕重開扉孤山猿鳥西湖

上懶對寒燈詠式微

送人知蒼梧

反身南望但依依片席乘風去似飛莫謂蒼梧在天  
末帝鄉看逐白雲歸

貓兒

織鈎時得小溪魚飽卧花陰更有餘自是鼠嫌貧不  
到莫慙尸素在吾廬

送馬程知江州德安

酒酣無復耿離腸一路之官盡水鄉公解寒生對廬  
阜客帆風定泊潯陽波涵洲渚初收潦露裏蒹葭未  
作霜到日何人先刺謁二林開士在琴堂

春暮寄懷曹南通任寺丞

跌宕情懷每事同十年曹社醉春風彈弓園圃陰森  
下棊子廳堂寂靜中赤脚我猶無一婢黑頭君合作  
三公江湖今日還勞結目送歸飛點點鴻

寄輦下傳神法相大師

禁寺諸供奉如師藝學稀粉輕昏古本羅重折秋衣  
淨謙生餅暈連陰長竹圍筭應支遁馬毛骨苦無肥

林間石

八夜跏趺多待月移時箕踞爲看山苔生晚片應知  
靜雲動秋根合見閑瘦鶴獨隨行藥後高僧相對試  
茶間踈篁百本松千尺莫怪頻頻此往還

秋懷

惠連初擬賦秋懷病束慵纏幾未諧濕葉墮丹明晚  
塹破雲拖粉露晴崖先甘表落歸雙鬢已覺清涼入  
百骸試枕離騷校閑品竹煙杉籟滿蕭齋

玉梁峽口懷朱巖從事之官嶺外兩夕艤  
舟於此

蒼莽江灣盡入深數家村塢住山陰煙橫落木寒初  
靜水帶微陽晚未沈極覽定非他輩事不來終負此  
生心鱸魚斫鱠松醪酒曾屬騷人兩日吟

安福縣途中作

詩景紛拏且按鞭壞橋危磴走鳴泉雲根道店多沽  
酒山崦人家亦種田合鳥驚啼衝宿雨野梅愁絕閣  
寒煙玉梁閣早堪行徧迴得臨江即上船

淮甸城居寄任刺史



擾擾非吾事深居斷俗情石莎無雨瘦秋竹共蟬青  
劍在慵閑拂詩難憶細評寥然獨搢枕淮月上山城  
歷陽寄金陵衍上人  
蘇暈莎叢古石房寺和松竹背秋岡騷吟未斷雲生  
褐梵偈重開月照香五老舊遊應悄默六朝閑事肯  
悲涼西州獨客心搖甚抹碧江天鳥一行

送僧之姑蘇

被請閭門寺扁舟積水遙幾程衝臘雪一飯泊村橋  
茶色晴空映檀煙遠吹飄公台悉餘鎮講罷即相招

西湖春日

爭得才如杜牧之試來湖上輒題詩春煙寺院敲茶  
鼓夕照樓臺卓酒旗濃吐雜芳薰巘嶸濕飛雙翠破  
漣漪人間幸有蓑蒹笠且上漁舟作釣師

和皓文二絕

李杜風騷少得朋將壇高築竟誰登林蘿寂絕湖山  
好月下敲門祇有僧

芳草誰能夢謝池但將心地喻摩尼千巖萬壑時相  
憶明月清風兩自知



寄清曉閣梨

前時春雪晴林壑  
趣彌清幾憶山陰講  
兼忘谷口耕  
樹叢歸夕鳥湖影浸寒城  
還肯重相望柴門掩杜衡

乘公橋作

晚峯橫碧樹梢紅  
數榜魚留水影中  
憶得江南曾看  
著巨然名畫在屏風

巨然僧尤妙山水

西湖

混元神巧本無形  
匠出西湖作畫屏  
春水淨於僧眼  
碧晚山濃似佛頭  
青蘂檀粉堵搖魚影  
蘭社煙叢閣  
鷺翎往往鳴琅與橫笛  
細風斜雨不堪聽

將歸四明夜坐話別任君

酒酣相向坐別淚  
濕吟衣半夜月欲落  
千山人憶歸  
亂塵終古在長瀑  
倚空飛明日重攜手  
前期易得違

寄胡介

憶著胡居士長看古佛書  
衡門唯老母一食共寒蔬  
墨跡多圖鶴山名愛話廬  
幾迴曾會宿風雪滿庭除

留題李頡林亭

兼琴枕鶴經盡日卧林亭  
啼鳥自相語幽人誰欲聽

半欄花藉白一徑草盤青何必對罇酒此中堪獨醒  
寄孫冲簿公

低折滄洲簿無書整兩春馬從同事借妻怕罷官貧  
道僻收閑藥詩高笑古人仍聞長吏奏表乞鑠廳頻  
冬夕得衛樞至

冷話復長吟俱非俗者心空齋留與宿幾夜夢相尋  
鳥亂槐枝折煙微雪氣侵如何念前去羸馬萬山深  
贈崔少微

賢才負聖朝終日掩衡茆尚靜師高道甘貧絕俗交  
曬碑看壁蠹蒸秣拾鄰梢却憶楊夫子勞勞事解嘲  
途中迴寄閭丘秀才

極目半秋色此情聊慘悽行人古道上落日破村西  
劍飲無高會驢游困解攜祗因風與月吾子有新題  
贈任懶夫

未肯求科第深坊且隱居勝游攜野客高卧看兵書  
點藥醫閑馬分泉灌晚蔬漢庭無得意誰擬薦相如  
贈蔣公明

高亢近誰同心閑愛子慵居深避俗客睡起聽鄰鐘

紙軸敲晴響茶鐺煮晚濃南齋屢招宿幽話數諸峯  
贈胡又

妻兒終擬棄舊識盡名賢高節嫌趨世常流笑學仙  
金方燒易得星度筭來玄祇說尋山去相期已數年  
寄和昌符

家近太行居西歸壓一驢同儕多及第高論獨知書  
名跡收藏徧公門請謁踈離愁不可寫蟬噪夕陽初  
出曹州

詩懷動歎嗟驢立帽陰斜雨灤生新蘗苑叢夾舊槎  
午煙昏獨店岡路透誰家幾日江南興扁舟泊岸沙  
盱眙山寺

下傍盱眙縣山崖露寺門踈鐘過淮口一逕入雲根  
竹老生虛籟池清見古源高僧拂經榻茶話到黃昏  
翠微亭 在金陵清涼寺

亭在江干寺清涼更翠微秋階響松子雨壁上苔衣  
絕境長難得浮生不擬歸旅情何計是西崦又斜暉  
贈金陵明上人

高社似東林修行歲月深講多刪舊抄齋早喚幽禽

士國名流重諸方學者尋長因對清話山閣轉松陰  
臺城寺水亭

金井前朝寺林僧問不知綠苔欺破閣白鳥占閑池  
清楚曾經晉荒唐直到隋南廊一聲磬斜照獨凝思  
旅館寫懷

垂成歸不得危坐對浪浪病葉驚秋色殘蟬怕夕陽  
可堪踈舊計寧復更剛腸的的孤峯意深宵一夢狂  
偶書

剛看是斯文無秦擬自焚病來嫌萬事休去負深雲  
直語多時忌幽腸俗不分如何麋與鹿猶此傍人羣  
汴岸曉行

驢僕劔裝輕尋河早早行孤煙開道店平野喝農耕  
老木迴堤暗初陽去浪明羈遊事無盡塵土拂吾纓  
黃家莊

黃家莊畔一維舟揔是汭流好宿頭野興幾多尋竹  
徑風情些小上茶樓透村雨暗鳴寒犢淺澌沙平下  
晚鷗更有錦帆荒蕩事落然隨分起詩愁

寄岑迪

時黜官居曹州



久辜才術向吾朝公罪應該洗雪條佐邑舊曾居府  
寺轉官新合入京僚門庭冷落閑中住僮僕生疎賤  
價招別後交遊合相憶酒燈棊雨數侵宵

寄彰門梁進士

退隱無山進乏媒杜門芳草與蒼苔貧爲吾道應關  
命達似他途亦是才人靜合尋衙北寺野涼還上郭  
西臺江干昨夜情多少風雨吹燈一夢迴

平居遣興

有甚餘閑得解嘲高慵時把几程敲早孜晚鳥沈幽  
語歷刺煙篁露病梢野草交遊披褐見神仙書史點  
朱抄皇朝不是甘逃遁爭向心如許與巢

傷朱寺丞

巖

妻女飄零五嶺頭爲君南望涕橫流浮榮暫得衣朱  
紱遠官尋聞喪白州天與聲名還自折瘴侵編集有  
誰收朝中文舊知多少應惜無兒似鄧攸

僧有示西湖墨本者就孤山左側林蘿祕  
邃間狀出衡茆之所且題雲林山人隱居  
謹書二韻以承之

泉石年來偶結廬  
冷挨松雪瞰西湖  
高僧好事仍多  
藝已共孤山畫入圖

和靖先生詩集

和靖集余向購之於武林徐門子鋪中後歸  
靈均身後藏書散盡此冊以殘缺獨存  
戊子夏趙昭携過溪上因復面之以異鄉  
見故人也

攝六黃翼

此故人願抱冲道書也抱冲在日未及請觀今夏間得一陳贄刻本因從其弟  
東京借歸雙勘余愛其楮墨精妙刻鏤分明雖非完書亦是祕本遂屬伊從  
弟澗賞影摹一本面諸士礼居中以爲見書如見故人也還書之日聊附數語于  
尾藉以明余之不欺死友云

嘉慶二年丁巳秋重陽後三日菴圃黃玉烈識



